

Mengenali masyarakat Orang Asli

Kuala Lumpur: Bagi merungkai isu sosial, ekonomi, kehidupan unik, kelestarian budaya dan kejayaan masyarakat Orang Asli yang diklasifikasikan sebagai penduduk minoriti di negara ini, dua pensyarah kanan Fakulti Ekologi Manusia Universiti Putra Malaysia (UPM), menghasilkan buku bertajuk *Pembangunan Kontemporari Orang Asli*.

Mereka adalah Prof Madya Dr Sarjit Singh Gill dan Dr Mohd Roslan Rosnon.

Prof Sarjit berkata, buku itu diterbitkan bagi memberi tiga sumbangan penting, iaitu pertama, memperkaya bidang pengajian penduduk minoriti yang semakin popular di Malaysia.

"Sumbangan kedua ditawarkan buku itu adalah boleh dijadikan sumber rujukan ilmuan, mahasiswa dan pembuat dasar memahami serta mengenali

status masyarakat Orang Asli.

"Ketiga, buku ini mendorong dan memudahkan masyarakat lain mengetahui serta mendekati masyarakat Orang Asli yang mempunyai warisan dan kelestarian budaya istimewa," katanya.

Beliau berkata, bahan bacaan itu mengandungi 14 bab yang ditulis pakar bidang sains sosial bagi menterjemahkan latar belakang penduduk pribumi terbabit yang mengalami proses perubahan meluas sejak merdeka hingga kini, sekali gus memberi banyak impak dalam kehidupan.

Perspektif baharu

Katanya, kumpulan masyarakat Orang Asli terbahagi kepada tiga kelompok utama dengan 18 suku kaum, iaitu kelompok Melayu-Proto, Senoi dan

Negrito.

Berkongsi bab buku, Prof Sarjit berkata, bab satu mengupas isu pembangunan, manakala bab dua membincangkan dasar dan pembangunan serta status semasa Orang Asli.

Beliau berkata, bab tiga pula memberi tumpuan kepada isu tanah adat komuniti itu, selain menganalisis kedudukan dan peruntukan undang-undang Perlembagaan Persekutuan dan Akta Orang Asli 1954 (Akta 134) serta Kenyataan Dasar mengenai Pentadbiran Orang Asli di Persekutuan Tanah Melayu, 1961.

Selain itu, katanya, buku ini turut membincangkan peranan wanita Orang Asli sebagai pemangkin ekonomi, penggunaan barang dan perkhidmatan arus perdana dalam kala-

ngan komuniti, pengetahuan berkaitan tumbuh-tumbuhan tradisi, persepsi remaja terhadap kemiskinan, pembabitan dalam proses pembangunan kehidupan dan pola sokongan dan pengaruh politik belia.

"Kesimpulannya buku ini turut menghimpunkan kajian dan pengkaji terperinci mengenai masyarakat Orang Asli.

"Semoga penerbitan buku ini memberi perspektif baharu kepada pembaca untuk memahami dan menilai isu pembangunan kontemporari masyarakat berkenaan, selain dapat mencetuskan minat dalam kalangan penyelidik dan membuat dasar mendalamai isu serta meneliti saranan diketengahkan penuh-lis bagi kemajuan komuniti terbabit," katanya.

Pembangunan Kontemporari

ORANG ASLI



Sarjit S. Gill • Mohd Roslan Rosnon

